

Similis formæ Syllogismum habet *Stengetius* p. 1. c. 6.

24. O. qui dicit te esse hominem, verum dicit.

O. qui dicit te esse furem, dicit te esse hominem,

E. qui dicit te esse furem, verum dicit.

Possent hæc etiam ad Fallaciam à Dicto secundum quid ad Dictum simpliciter referri.

25. Constituens est præstantior constituto:

Subditi constituunt principem:

E. Subditi præstantiores sunt principe.

Resp. Ambiguitas est in voce constituens. Constituens duplex est vel principalis, qui aliquem constituit infra se ad serviendum. Quomodo dominus constituit servum, domina ancillam. Vel ministerialis, qui aliquem constituit supra se ad imperandum vel regendum, quo modo Discipulus constituit Præceptorem, & subditi Regem vel Principem. Unde patet, quod constituens principalis sit præstantior constituto; ministerialis verò non item.

26. Quo